

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo privrede



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
Министарство привреде

BOSNIA AND HERZEGOVINA
FEDERATION OF BOSNIA AND HERZEGOVINA
TUZLA CANTON
Ministry of Economy

Tuzla, Maršala Tita do br.34, Lamela „B“ II i III sprat, tel.: +387 35 369-327 fax.: +387 35 369-332 e-mail: mp@tk.kim.ba web: vladatk.gov.ba, strategijarazvoja.tk.gov.ba

SMJERNICE ZA PODNOSIOCE PRIJAVA

za

JAVNI POZIV

za odabir korisnika grant sredstava sa pozicije „Podrška razvoju
Kantona“ za 2024. godinu

za

**"Kapitalni transferi mikro, malim i srednjim privrednim
subjektima (MMSP) za digitalizaciju, standardizaciju i
jačanje inovativnosti"**

Tuzla, oktobar 2024. godine

Namjena sredstava

Sredstva se mogu koristiti za refundaciju troškova nastalih u 2023. i 2024. godini do datuma objave ovog Javnog poziva, za sljedeće namjene:

- a. Nabavku ili izradu rješenja vezanih za digitalizaciju poslovanja (ERP - Enterprise resource planning i CRM - Customer Relationship Management, integralni informacijski sistemi, programi vezani za digitalizaciju i automatizaciju poslovnih procesa, razvoj web i mobilnih aplikacija, slična digitalna rješenja u poslovanju), ili
- b. Uvođenje ili obnavljanje sistema međunarodnih standarda kvalitete odnosno certificiranje sistema i proizvoda (CE oznaka, ISO, HACCP, HALAL i drugi međunarodni priznati standardi).

Podnosioci prijave imaju pravo na refundaciju troškova samo jedne vrste namjene sredstava (za namjenu navedenu pod a. ili za namjenu navedenu pod b.), realizovanih prije objave Javnog poziva.

Korisnici sredstava

Korisnici sredstava su mikro, mali i srednji privredni subjekti klasifikovani po broju zaposlenih u skladu sa Zakonom o poticanju razvoja male privrede („Službene novine Federacije BiH“, broj: 39/24) i Zakonom o privrednim društvima FBiH („Službene novine Federacije BiH“, br. 81/15 i 75/21), a koji su u većinskom privatnom vlasništvu sa sjedištem na području Tuzlanskog kantona.

Prema veličini, u smislu Zakona o poticanju razvoja male privrede, razlikuju se mikro, mali i srednji subjekti male privrede, pri čemu su:

- Mikro subjekti male privrede - fizička i pravna lica koja zapošljavaju prosječno godišnje manje od 10 osoba i čiji je ukupni godišnji prihod ili ukupna vrijednost poslovne imovine na kraju poslovne godine manja od 3.911.600,00 KM,
- Mali subjekti male privrede - fizička i pravna lica koja zapošljavaju prosječno godišnje manje od 50 osoba i čiji je ukupni godišnji prihod ili ukupna vrijednost poslovne imovine na kraju poslovne godine manja od 19.558.000,00 KM,
- Srednji subjekti male privrede - fizička i pravna lica koja zapošljavaju prosječno godišnje manje od 250 osoba i čiji je ukupni godišnji prihod manji od 97.790.000,00 KM ili čija je ukupna vrijednost poslovne imovine na kraju poslovne godine manja od 84.099.400,00 KM.

U slučaju da, zbog sukoba kriterija broja zaposlenih sa finansijskim pokazateljima, nije jasno u koju od postojećih kategorija spada privredni subjekt, odlučujući kriterij je broj zaposlenih.

Uslovi za dodjelu sredstava

Uslovi koje korisnici moraju ispuniti za dodjelu sredstava su da:

- registrovana djelatnost ne spada u oblast trgovine (izuzev grane 45.2 - Održavanje i popravak motornih vozila u skladu sa Klasifikacijom djelatnosti KDBiH 2010 („Službeni glasnik BiH“, broj: 47/10)), turizma, ugostiteljstva, prevoza stvari, roba i putnika (izuzev grane 52.1 - Skladištenje robe), te proizvodnju oružja i vojne opreme, proizvodnju duhanskih proizvoda i alkoholnih pića, primarnu poljoprivredu izuzev prerađivačke djelatnosti, otvaranje kasina i drugih igara na sreću;
- su registrovani u skladu sa Klasifikacijom djelatnosti KDBiH 2010;
- su registrovani najkasnije zaključno sa danom 30.06.2023. godine;

- uredno izmiruju direktne poreze, doprinose za PIO/MIO i zdravstveno osiguranje;
- uredno izmiruju indirektno poreze, ukoliko su u sistemu PDV-a;
- su ostvarili pozitivan finansijski rezultat u prethodnoj godini poslovanja (2023. godina);
- su opravdali ranije dodijeljena finansijska sredstva od strane Ministarstva;
- do sada nisu ostvarili finansijska sredstva za predloženu namjenu iz drugog izvora.

Kriteriji za izbor korisnika sredstava:

OPIS KRITERIJA		BODOVI	IZVOR VERIFIKACIJE						
1.	Djelatnost koju MMSP obavlja	Prihvatljive djelatnosti iz područja B i C	5	Obavještenje o razvrstavanju pravnog lica prema klasifikaciji djelatnosti KDBiH 2010					
		Prihvatljive djelatnosti iz područja D, E i F	3						
		Prihvatljive djelatnosti iz ostalih područja	1						
2.	Broj zaposlenih osoba	Srednje	210-249	Malo	42-49	Mikro	8-9	5	Lista osiguranih lica za obveznika izdata od Poreske uprave FBiH
			170-209		34-41		6-7	4	
		130-169	26-33	4-5	3				
		90-129	18-25	2-3	2				
		50-89	10-17	1	1				
3.	Dosadašnji grant poticaji od strane Ministarstva privrede (za period 2021 - 2023. godina)	Nije bio korisnik		2	Baza podataka Ministarstva privrede				
		Jedan put korisnik		1					
		Dva i više puta korisnik		0					
4.	Ravnomjerni regionalni razvoj (stepen razvijenosti JLS)	Kategorija IV i V (Čelić, Kalesija, Kladanj, Sapna, Teočak)		3	Rješenje o registraciji; Socio-ekonomski pokazatelji po općinama Federacije BiH za 2023. godinu				
		Kategorija III (Banovići, Doboj Istok, Gračanica, Gradačac, Lukavac, Srebrenik, Živinice)		2					
		Kategorija II (Tuzla)		1					

Izbor korisnika grant sredstava vrši Komisija za odabir korisnika sredstava (u daljem tekstu: Komisija) koju imenuje ministar privrede u Vladi Tuzlanskog kantona (u daljem tekstu: Ministar privrede). Komisija na osnovu kriterija za bodovanje vrši bodovanje prispjelih prijava koje ispunjavaju uslove iz Javnog poziva.

U slučaju jednakog broja bodova prednost ima kandidat, po redoslijedu važnosti, koji je dobio više bodova po sljedećim kriterijima za bodovanje korisnika:

- Broj zaposlenih osoba,
- Dosadašnji grant poticaji od strane Ministarstva privrede.

U slučaju da i nakon provedene procedure dodatnog bodovanja korisnici imaju isti broj bodova, konačnu odluku donosi Ministar privrede na osnovu objektivnih pokazatelja.

Komisija sačinjava Preliminarnu rang listu korisnika sredstava i Listu podnosilaca čije su prijave neblagovremene, nepotpune i neosnovane, a koje se objavljuju na web stranicama Vlade Tuzlanskog kantona <http://www.vladatk.gov.ba/> i Ministarstva privrede <http://www.mptk.gov.ba/>. Na objavljene liste svi kandidati imaju pravo prigovora koji se podnosi Ministarstvu privrede u pisanoj formi, u roku

od **pet dana** od dana objavljivanja listi na web stranicama Vlade Tuzlanskog kantona i Ministarstva privrede.

Nakon isteka roka za prigovor i nakon rješavanja po uložnim prigovorima, Ministar privrede na prijedlog Komisije donosi konačnu rang listu korisnika sredstava sa pozicije „Podrška razvoju Kantona“ za 2024. godinu, koja se objavljuje na web stranicama Vlade Tuzlanskog kantona i Ministarstva privrede. Na osnovu konačne rang liste korisnika sredstava Ministar privrede donosi pojedinačne odluke o odobravanju sredstava korisnicima. Sa odabranim korisnicima Ministarstvo privrede potpisuje pojedinačne ugovore. Na osnovu pojedinačnih odluka i potpisanih ugovora doznačavaju se sredstva na transakcijski račun korisnika.

Iznos sredstava

Sredstva za predmetne namjene dodjeljivat će se korisnicima u svrhu refundiranja troškova nastalih i plaćenih u 2023. i 2024. godini:

- za troškove nabavke ili izrade rješenja vezanih za digitalizaciju poslovanja (ERP - Enterprise resource planning i CRM - Customer Relationship Management, integralni informacioni sistemi, programi vezani za digitalizaciju i automatizaciju poslovnih procesa, razvoj web i mobilnih aplikacija, slična digitalna rješenja u poslovanju) korisniku se može refundirati maksimalno do 80% ukupno prihvatljivih troškova, s tim da taj iznos ne može biti veći od 30.000,00 KM (slovima: tridesethiljada konvertibilnih maraka),
- za troškove uvođenja, certificiranja ili recertificiranja sistema i proizvoda u skladu sa međunarodnim standardima (CE oznaka, ISO, HACCP, HALAL i drugi međunarodni priznati standardi) korisniku se može refundirati maksimalno do 80% ukupno prihvatljivih troškova, s tim da taj iznos ne može biti veći od 30.000,00 KM (slovima: tridesethiljada konvertibilnih maraka).

Komisija će izvršiti raspodjelu sredstava u skladu sa ostvarenim bodovima podnosioca prijave i u skladu sa raspoloživim sredstvima. U slučaju velikog broja podnosioca prijave koji ispunjavaju uslove Javnog poziva, a čiji ukupni zbirni zahtjevi prelaze iznos sredstava od 258.000,00 KM, na prijedlog Komisije, Ministar privrede ima pravo umanjiti pojedinačne iznose sredstava za dodjelu korisnicima, srazmjerno broju prijave koje ispunjavaju uslove Javnog poziva po ovom projektu.

Korisnicima sredstava odobrenih od strane Ministarstva po ovom projektu će biti refundirani troškovi realizovani u 2023. i 2024. godini prije objave Javnog poziva. Troškovi koji se priznaju odnose se isključivo na direktne troškove nastale realizacijom namjene projekta, izuzev neprihvatljivih troškova definisanih tačkom 6. iz poglavlja III. Opće odredbe Javnog poziva.

Način prijave i potrebna dokumentacija

Podnosilac prijave prilikom apliciranja na Javni poziv obavezno dostavlja:

- a) Popunjen **Prijavni obrazac** koji se može preuzeti na web stranicama Vlade Tuzlanskog kantona <http://www.vladatk.gov.ba/> i Ministarstva privrede <http://www.mptk.gov.ba/>, potpisan od strane lica ovlaštenog za zastupanje i ovjeren pečatom podnosioca prijave;
- b) **DOKUMENTACIJA** koju dostavljaju svi podnosioci prijave:
 - **Fotokopija** Rješenja o registraciji, iz kojeg je vidljivo da je MMSP registrovan najkasnije zaključno sa danom 30.06.2023. godine (prihvatljiva su Rješenja o izmjenama podataka i/ili stariji Aktuelni

izvod iz sudskog registra, ukoliko je iz istih vidljivo da je podnosilac prijave registrovan najkasnije zaključno sa danom 30.06.2023. godine);

- **Fotokopija** Aktuelnog izvoda iz sudskog registra, ne stariji od 90 dana od dana objave Javnog poziva;
- **Fotokopija** Uvjerenja o poreznoj registraciji – ID broj;
- **Original ili ovjerena fotokopija** Uvjerenja o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave Federacije BiH, ne starija od 90 dana od dana objave ovog Javnog poziva (ne prihvataju se Uvjerenja po osnovu urednog izmirenja dospjelih rata po sporazumu o plaćanju duga u ratama potpisan sa Poreskom upravom Federacije BiH);
- **Original ili ovjerena fotokopija** Uvjerenja o urednom izmirenju indirektnih poreza izdato od Uprave za indirektno oporezivanje, ne starija od 90 dana od dana objave ovog Javnog poziva (ukoliko je u sistemu PDV-a), odnosno **potpisana i ovjerena Izjava** od strane podnosioca prijave da nije u sistemu PDV-a, dostupna na web stranicama Vlade Tuzlanskog kantona i Ministarstva privrede uz Javni poziv (ne prihvataju se Uvjerenja po osnovu urednog izmirenja dospjelih rata po sporazumu o plaćanju duga u ratama potpisan sa Upravom za indirektno oporezivanje);
- **Original ili ovjerena fotokopija** Liste osiguranih lica za obveznika izdata od Poreske uprave Federacije BiH, ne starija od 90 dana od dana objave Javnog poziva;
- **Fotokopija** Obavještenja o razvrstavanju pravnog lica prema klasifikaciji djelatnosti KDBiH 2010;
- **Fotokopija** Bilansa uspjeha za 2023. godinu sa ovjerom Finansijsko-informatičke agencije;
- **Fotokopija** Bilansa stanja za 2023. godinu sa ovjerom Finansijsko-informatičke agencije;
- **Fotokopija** predračuna sa specifikacijom troškova, izdatog od poslovnog subjekta od kojeg se planira nabaviti nova oprema i/ili novi alati;
- **Fotokopija** kartona deponovanih potpisa (spesimen) ili drugi dokaz o broju transakcijskog računa podnosioca prijave kod banke;
- **Izjava o neosuđivanosti i nevođenju postupka po osnovu privrednog kriminala** – popunjena i potpisana od strane ovlaštenog lica, ovjerena pečatom podnosioca prijave, te ovjerena od nadležnog upravnog organa ili notara (dostupna **IZJAVA I-1a** na web stranicama Vlade Tuzlanskog kantona i Ministarstva privrede uz Javni poziv);
- **Izjava o nesudjelovanju u koruptivnim radnjama** – popunjena i potpisana od strane ovlaštenog lica i ovjerena pečatom podnosioca prijave, te ovjerena od nadležnog upravnog organa ili notara (dostupna **IZJAVA I-2a** na web stranicama Vlade Tuzlanskog kantona i Ministarstva privrede uz Javni poziv);
- **Izjava o primljenim de minimis pomoćima i drugim državnim pomoćima** - popunjena i potpisana od strane ovlaštenog lica i ovjerena pečatom podnosioca prijave (dostupna **IZJAVA I-3** na web stranicama Vlade Tuzlanskog kantona i Ministarstva privrede uz Javni poziv);
- **Izjava o realizaciji projekta** - popunjena i potpisana od strane ovlaštenog lica i ovjerena pečatom podnosioca prijave (dostupna **IZJAVA I-4b** na web stranicama Vlade Tuzlanskog kantona i Ministarstva privrede uz Javni poziv).

c) **DOKUMENTACIJA** koja se dostavlja u zavisnosti od namjene sredstava:

Za refundaciju troškova nabavke ili izrade rješenja vezanih za digitalizaciju poslovanja:

- **Original ili ovjerena fotokopija računa sa fiskalnim računom** (fiskalni račun se obavezno dostavlja ukoliko je dobavljač obveznik fiskalizacije u BiH) izdatih od strane dobavljača odnosno pružaoca usluge;

- Izvod iz banke ovjeren pečatom banke ili original odnosno ovjerena fotokopija potvrde banke o realizovanom nalogu za plaćanje prema dobavljaču odnosno pružaocu usluge, iz kojih je vidljivo plaćanje troškova nabavke ili izrade rješenja vezanih za digitalizaciju poslovanja;
- **Fotokopija Izvještaja dobavljača o implementaciji** nabavljenog ili izrađenog rješenja vezanog za digitalizaciju poslovanja;
- **Fotokopiju ugovora** sa dobavljačem odnosno pružaocem usluge za nabavku ili izradu rješenja vezanog za digitalizaciju poslovanja (ukoliko je isti potpisan).

Za refundaciju troškova uvođenja, certificiranja ili recertificiranje sistema i proizvoda u skladu sa međunarodnim standardima kvaliteta:

- **Original ili ovjerena fotokopije** ugovora za uvođenje, certificiranje ili recertificiranje sistema i proizvoda u skladu sa međunarodnim standardima (CE oznaka, ISO, HACCP, HALAL i drugi međunarodni priznati standardi);
- **Fotokopija akta** (akreditacija ili poveznica sa akreditacijom) kojim se potvrđuje da je pružalac usluge kompetentan za poslove certificiranja i recertificiranja sistema i proizvoda u skladu sa međunarodnim standardima (dostavlja se isključivo za certificiranje i recertificiranje sistema i proizvoda);
- **Original ili ovjerena fotokopija** certifikata ili dokaza o obnovljenom standardu, izdati od akreditovanog certifikacijskog tijela ili **Original ili ovjerena fotokopija** certifikata o osiguranoj CE oznaci izdat od ovlaštenog neovisnog tijela;
- **Fotokopija** pozitivnog izvještaja certifikacijskog ili recertifikacijskog audita (dostavlja se isključivo za certificiranje i recertificiranje sistema) ili **Fotokopija** EU izjave o usklađenosti za CE oznaku (dostavlja se isključivo za certificiranje i recertificiranje proizvoda);
- **Original ili ovjerena fotokopija** računa sa fiskalnim računom (ukoliko postoji zakonska obaveza za izdavanje fiskalnog računa) izdati od strane pružaoca usluge;
- **Izvod iz banke ovjeren pečatom banke ili original odnosno ovjerena fotokopija potvrde banke** o realizovanom nalogu za plaćanje prema pružaocu usluge, iz kojih je vidljivo plaćanje troškova uvođenja, certificiranja ili recertificiranja sistema i proizvoda u skladu sa međunarodnim standardima.

Navedenu dokumentaciju potrebno je priložiti uz Prijavni obrazac. Na kraju Prijavnog obrasca obavezno navesti mjesto, datum i potpis lica ovlaštenog za zastupanje, te ovjeriti pečatom podnosioca prijave.

Ukoliko prijavni obrazac i tražene izjave potpisuje lice koje u sudskom registru nije navedeno kao lice ovlašteno za zastupanje, potrebno je uz prijavu priložiti i punomoć/ovlaštenje za potpisivanje istih.

Ukoliko podnosilac prijave aplicira sa jednom ili više poslovnih jedinica, obavezno dostavlja: Fotokopije Uvjerenja o poreznoj registraciji – ID broj, Fotokopije Obavještenja o razvrstavanju pravnog lica prema klasifikaciji djelatnosti KDBiH 2010 i Original ili ovjerene fotokopije Liste osiguranih lica za obveznika izdate od Poreske uprave Federacije BiH ne starije od 90 dana od dana objave Javnog poziva, za sve poslovne jedinice čija djelatnost ispunjava uslove iz Javnog poziva i koje su registrovane na području Tuzlanskog kantona.

Dokumentacija koja se dostavlja u zavisnosti od namjene sredstava mora biti iz 2023. ili 2024. godine (izuzev akta kojim se potvrđuje da je pružalac usluge kompetentan za poslove certificiranja i recertificiranja sistema i proizvoda u skladu sa međunarodnim standardima).

Obzirom da će se prijave na Javni poziv bodovati na osnovu dostavljenog Prijavnog obrasca i prateće dokumentacije, Komisija ima pravo provjere svih podataka navedenih u prijavnom obrascu i dostavljenoj dokumentaciji, kao i da u cilju provjere istih zatraži pojašnjenja ili dodatnu dokumentaciju od podnosioca prijave.

Način podnošenja prijave

Prijave se dostavljaju zaključno sa danom **15.11.2024. godine**, odnosno prihvatit će se prijave koje imaju poštanski pečat najkasnije sa navedenim datumom. Prijave koje su predate nakon isteka navedenog roka će biti odbačene i neće biti predmet daljeg razmatranja.

Prijave sa odgovarajućom dokumentacijom, šalju se preporučeno poštom u zapečaćenim kovertama ili lično na adresu:

Ministarstvo privrede Tuzlanskog kantona
Pisarnica Vlade TK, Fra Grge Martića 8, 75000 Tuzla,
NE OTVARATI – Prijava po Javnom pozivu za odabir korisnika grant sredstava sa pozicije „Podrška
razvoju Kantona“ za 2024. godinu
sa napomenom:

Projekat: „Kapitalni transferi mikro, malim i srednjim privrednim subjektima (MMSP) za digitalizaciju, standardizaciju i jačanje inovativnosti “

Na poleđini koverta obavezno navesti:

- Naziv – ime podnosioca prijave;
- adresu i kontakt telefon;
- ovjeriti pečatom podnosioca prijave.

Prijave će biti odbačene i neće biti predmet daljeg razmatranja ako:

- su neblagovremene,
- nemaju sve sadržajne elemente,
- ne ispunjavaju uslove Javnog poziva.

Pravo učestvovanja

Korisnici poticajnih sredstava koji nisu izvršili ranije preuzete obaveze po osnovu korištenja poticajnih sredstava Ministarstva privrede, nemaju pravo učestvovanja na Javnom pozivu, odnosno njihove prijave se neće uzeti u razmatranje.

Podnosioci prijava mogu podnijeti **samo jednu prijavu** po Javnom pozivu. U slučaju više prijava istog podnosioca sve prijave će biti odbačene i neće biti predmet daljeg razmatranja.

Broj: 03/1-11-29737-4/24
Tuzla, 31.10.2024. godine

M I N I S T A R

Edin Duraković, dipl. pravnik